

Radi obezbjeđivanja uslova za održivi povratak izbjeglica iz BiH i raseljenih osoba u BiH u njihova ranija mjesta prebivališta u Bosni i Hercegovini (u daljem tekstu BiH), te s tim u vezi potrebom za sveobuhvatnim, jasnim informacijama dostupnim svim izbjeglicama iz BiH i raseljenih osoba u BiH kao i ostalom domicilnom stanovništvu, dostupnim informacijama o mogućnostima, uslovima i kriterijima dobijanja kredita u cilju obezbjeđenja zapošljavanja u privatnom ili državnom sektoru i mogućnostima samozapošljavanja u mjestima prijeratnog prebivališta Ministarstvo za ljudska prava i izbjeglice BiH / u daljem tekstu: Ministarstvo / , Fondacija za održivi razvoj Federacije BiH (u daljem tekstu OdRaz), Fond za razvoj i zapošljavanje Republike Srpske , Sarajevska razvojna regionalna agencija, Udruženje mikrofinansijskih organizacija u BiH, Zavod za zapošljavanje Republike Srpske, Federalni zavod za zapošljavanje Sarajevo, / u daljem tekstu : Potpisnici / dana _____ u Sarajevu zaključili su

PROTOKOL O MEĐUSOBNOJ SARADNJI

I

Potpisnici ovog protokola su saglasni da, cijeneći značaj koje za zapošljavanje ili samozapošljavanje ima ili može imati sveobuhvatno, koncizno, svima dostupno i za ove kategorije stanovništva prilagođeno informisanje o mogućnostima, uslovima i kriterijima dobijanja kredita u cilju obezbjeđenja zapošljavanja i samozapošljavanja, uspostave međusobnu saradnju u okvirima svojih nadležnosti, djelatnosti i mogućnosti na način i pod uslovima uređenim ovim protokolom.

II

U cilju informisanja izbjeglica iz BiH i raseljenih osoba u BiH i ostalog domicilnog stanovništva o mogućnostima zapošljavanja i samozapošljavanja, Potpisnici ovog protokola saglasni su da:

- a) objave Publikaciju o mogućnostima dobijanja kredita u cilju zapošljavanja i samozapošljavanja izbjeglica iz BiH i raseljenih osoba u BiH i ostalog domicilnog stanovništva u BiH / u daljem tekstu : Publikacija
- b) provedu informativnu kampanju kojom će u periodu od najmanje 3 mjeseca računajući od dana objavljivanja Publikacije odnosno njene distribucije, putem javnih medija ili/i na drugi način obavještavati izbjeglice iz BiH i raseljene osobe u BiH i ostalo domicilno stanovništvo o ciljevima i osnovnom sadržaju Publikacije, načinima njene distribucije i mjestima gdje će biti dostupna navedenim kategorijama stanovništva.

III

Radi pripremanja Publikacije Potpisnici su se saglasili da:

- a) Ministarstvu do 01.10.2004.godine dostave koncizne i relevantne informacije / tekstove, fotografije, grafikone i sl./ o uslugama i/ili proizvodima koje nude izbjeglicama iz BiH i raseljenim osobama u BiH u okvirima njihovog djelokruga ili njihovih djelatnosti, na ne više od 4 stranice po instituciji Potpisnici ovog protokola;
- b) Radna grupa sačinjena od predstavnika Potpisnica/ u daljem tekstu: Radna grupa/ na osnovu materijala iz predhodne alineje i odgovarajućeg izvještaja o prispjelim materijalima definirati će sadržaj Publikacije do 29.10.2004.godine;
- c) Nakon definiranja sadržaja Publikacije, Fondacija OdRaz pripremiti će sadržaj konkursa za štampanje Publikacije i na osnovu prispjelih ponuda odlučiti o najboljem ponuđaču za štampanje Publikacije. Ukupan iznos izrade Publikacije neće prelaziti ukupan iznos 40.000 KM.
- d) Radna grupa će pripremiti Plan distribucije Publikacije i Program informativne kampanje iz tačke II ovog Protokola.

IV

Potpisnici ovog protokola su saglasni da Fondaciju OdRaz, sa svojim punim pravnim subjektivitetom bude nosilac svih prava, obaveza i odgovornosti koje će u formi ugovora ili nekoj drugoj formi radi realizacije gore izražene namjere Potpisnika nastati u odnosima sa trećim licima / štamparija, medijske kuće, udruženja izbjeglica i raseljenih lica i dr.

V

Potpisnici ovog protokola su saglasni da daju svoj doprinos izdavanju Publikacije i novčanom participacijom kako slijedi : / - % u odnosu na ukupnu cijenu izdavanja Publikacije / i troškova informisanja putem javnih medija u dolje navedenom procentualnom omjeru:

- | | |
|---|-----|
| a) Fondacija OdRaz | 20% |
| b) Fond za razvoj i zapošljavanje RS-a | 20% |
| c) Sarajevska razvojna regionalna agencija | 15% |
| d) Udruženje mikrofinansijskih organizacija u BiH | 15% |
| e) Zavod za zapošljavanje RS | 15% |
| f) Federalni zavod za zapošljavanje Sarajevo | 15% |

VI

Potpisnici su saglasni da u roku od 90 dana računajući od dana izdavanja i distribucije Publikacije odnosno od završetka Informativne kampanje Ministarstvo pripremi Izvještaj o realizaciji ovog protokola i isti dostavi svim Potpisnicima.

Potpisnici:

Ministarstvo za ljudska prava i izbjeglice
g-din Mirsad Kebo, ministar

Fondacija za održivi razvoj Federacije BiH
g-din Mirzet Ribić, direktor

Fond za razvoj i zapošljavanje RS-a
g-din Srećko Bogunović, direktor

Sarajevska regionalna razvojna agencija
g-din Šefkija Okerić, direktor

Udruženje mikrofinansijskih organizacija u BiH
g-din Slobodan Sekulović

Zavod za zapošljavanje RS
g-din Milorad Janković, direktor

Federalni zavod za zapošljavanje Sarajevo
g-din Hasan Musemić, direktor

U Sarajevu _____